

文徵

貴陽府志三十九

卷三十九 (16-18)

貴陽府志餘編卷之十六

知貴陽府事泰和周作揖夢巖輯

知貴陽府事博白朱德璉綬堂刊

卅三元

九日同黃侍御再遊東山寺

九日尋芳景東山只里餘延賓來鳥徑携酒借僧廬
古樹垂青影層雲蔭碧虛臨流多客意未免憶鱸魚
黃敬璣

和卞撫軍遊東山寺前韻

古刹東山下蕭條兵火餘秋聲連遠壑酒興滿幽廬

翠色當窓合雲光映座虛諸侯正好客不必賦無魚

東山

楊素廷

危峯東峙鬱嵒巖小閣憑虛瞰碧霄戰伐幾經飛鳥
亂登臨猶見落霞標畱將片時增題詠剩有孤僧伴
寂寥極目鄉關何處是歸情早逐斷雲飄

午日馬上偶成

執掌何曾片刻閒夢魂並未到鄉關王師是處呼庚
癸民命還當惜草菅蒲酒異鄉容易醉衰年戎馬幾
時還長沙徒洒憂時淚輸與箕山潁水灣

貴陽射圃晚歸馬上作

寒原本葉馬蹄中射團歸來趁晚風片月初銜孤槍
頂忽流直下小橋東背城山湧三層黑傍郭燈搖一
寸紅卻羨漁磯烟水上柴門深閉鹿皮翁

范承勳

秋日遊漏洩泉

郭外秋光好尋幽信馬蹏山泉名漏洩斷碣字依稀
儘識盈虛理誰窺造化機臨流還把酒不覺夕陽西
衛旣齊

秋日遊漏洩泉

靈泉不盈掬時縮復時盈脈脈元精合鱗鱗細浪生

似徵潮汐信因悟卷舒情徙倚塵機息幾欄欲濯纓

董安國

壬申秋日陪衛中丞遊聖泉次韻

遂望春常滿斯泉不易盈淺深閱自覺呼吸暗平生
倒影涵山色遊絲動客情斜陽還駐馬欲爲洗塵纓

陸祚蕃

馮虛洞

驅馬新添日方午千疊崇山不可數玉泉忽瀉松聲
亂茅舍三間僧太古爲言此洞卽馮虛門徹無勞身
更賴爆炬星搖蠶鳥驚嫩崖劍劍容光吐雪翻浪湧

勢將傾石萬插地。媧皇補當年。誰誦貝多經。金鐘綴
簾。追無盡竹林大士。海南來片片慈雲。護鸚鵡小猴
懸樹。真如拳。饑欲依人。偏媚斌。應接已忙。復逶迤山
雪。又別開斤斧。膩理轉細。徑轉幽。鳳鳴高岡。麟存幽
身。輕便擬登浮圖。惜哉梯滑。那容武最深。洞口僅如
輪。相傳內有神仙。宇房橰雞犬。杳難尋。篋營遙聽。翠
珩舞。誰云邊徼勝地。稀武夷。雁宕安足。謝別後猶餘
百日。思愧殺茲。尚芥鹵。

丹達禮

武侯祠

武侯祠廟一拒衣巾扇分明見指揮北出不能迴漢
業南征猶自惕兵威雖無老柏參天勢尚有垂楊在
又聊劍鼓蕭瑟喧伏臘莫驚鷗鷺起漁磯

關邦興

遊黔靈山

貴陽城北黔靈寺寺在黔山檀水次石磴千盤履印
痕僧房四面峯環翠輕風隔嶺送鐘聲好鳥窺窗聽
說偶龍潭杏冥竹林深獅巖睥睨野花媚境僻會無
車馬喧景幽自有遊人至我到牂柯已五年舉步未
離方寸地茲山茲寺久聞名每見如同回面避今夏

清和日正長新苗透綠麥授德星言夙駕慰三農聞
訪招提見真意抬級而登徑轉紆停車不御屏從騎
豈料西南號漏天陽烏匿影浮雲蔽附葛攀藤到上
方嶙峋峭壁排靈異緇流相引憩禪關布簾徐揭通
香氣傑閣高臨碧漢低龍蛇蟠蹙護經笥開山僧臘
六十餘遍遊四海參同類華嚴雖譯數千言達磨惟
傳第一義近來不復多饒舌獨挈髻珠付法嗣自歟
勞勞役簿書片刻清涼猶出世恰比昌黎遇大巖止
耽解脫非求利坐久嵐光落檻邊寒生衣袂催歸轡
行行策馬邊城闌黃犢投卹炊烟細

遊東山

宛宛南明水迴環抱此山解鞍尋曲磴策杖渡禪關
薄霧侵衣濕孤雲入座閑少畱心已寂不信在烏巒
湯右曾

自百盈泉至黔靈山寺

憶昔冒雨東山行山寺粥鼓傳新晴雲中黛色幾千
尺兩腳已韞芒輾輕寒花修竹自閑麗赤髭白足俱
遶迎孤亭崔嵬出林罅下睇萬瓦浮連甍黔靈一峯
隔嶺背但見紫翠烟巒並歸來合眼想娟妙坐覺天
宇閒嵒嶭今晨款門少賓客襟帶蕭散帷齊請公廚

三日會當去十里肯惜遊山程疎風細雨引前路小
螺豔豔繁秋英道逢樵客看蒼髯亦有田父衝烟耕
雞鳴竹裏浚日色犬吠塢外喧溪聲滴胸亭中一泓
水晝夜百度無虧盈清甘未得借瓢飲空負桑苧煎
茶情草中覓路轉蒙密巖頂踏逕頻迴縈琳宮突兀
佛塔湧古木上與闌干平祇園弟子越千指盡學寂
滅設無生青山門外幾風雨一縷坐看香煙橫雞澤
方丈清晝掩天文一笑花爲榮尋詩問法兩無礙空
手欲控橫江鯨法華魚肉何足啖自煮蔬蕪炊香杭
萬錢詎抵一飽樂盤案已洗秋營營野花峒草足滿

灑斗大未可輕山城他年林端發蒼筤道人記我曾
留名

蔡琰

遊黔靈山贈翟脈上人

輞川舊識是天親還向黔靈問夙因野狖馴從青嶂
下山居常與白雲隣結社不嫌陶令酒吟詩却認貫
休身不須更作牂柯怨綠水青山總故人

吳道煥

從照壁山過黔靈岡陰至百盈泉下流

一線豁巖根列峙如屏面何年鬼斧鑿靈痕露飛

尋巖越重壁拾級乃百轉仰睇烟嵐互俯瞻雪浪見
濕聲挾風雷餘怒鬱不展我行小雨後苔滑足難踐
盤辟澗谷危日送神驚眩振衣一往回何處尋平衍
趙士麟

黔陽懷古

羅施聲教阻還方漢置牂柯達夜郎地近日西時苦
雨途經冷驛夜無霜馬鞍觀側藏雲塢銅鼓山頭祀
竹王千古猶思丞相澤祠堂松柏自蒼蒼

邱元武

新添真將軍碑

麥城城下草如雲
麒麟石馬羅紛紜
石上青苔埋不盡
摩挲曾識眞將軍
將軍賜田今表碣
當時百戰摧州下
父老爲說平播年
分屯列甲連桑柘
功奏旂常不著名
營門鼓角動秋聲
行人倚馬孤臣淚
泔江

水清復清

築邑城

按轡城頭落參差
石甃斜平雲連野
水霜木俯官衙風
落天邊鴈秋悲
日暮節逢人多卉
服珍重問桑麻

郭之翰

黃定山行

揚鞭向秋色邛邛落花雨高石鬱嵯峨拱揖送賓主
中安一峯秀萬壑盡掀舞叢枝夾路低衆首一時俯
紅塵雖日深青山差可補小憇籬落中大吠罷樵斧
魚塘翠篠邊居人許自取野酌紛錯陳山雞無剩肉
蠻姝擁隆鬟聞若蛙吹鼓農事當及時有力君自努
吾亦從茲去犁鋤師老圃

開陽道中

款段行來計幾程開陽古道莫知名夢中芳草春何
在陌上垂楊浪有情老我二毛千里外愁他百舌五
更聲卽應飛渡茶山去款款漁舟共笑迎

胡嶽華

暮春還客溪別業

落源恰似避秦時
皓首來歸尚未遲
路轉千峯尋故轍
身慚匹馬識前蹊
桐花簌簌開門閉
柳色萋萋舊館移
初願年來成錯計
白鷗何卒未全迷

張昞晉

黔中雜詠

賦曾登禹貢
版早隸周官
無海魚鹽舊
重山虎豹蟠
司農煩粟帛
開府肅衣冠
願覩垂裳化
虞廷再舞干

張一鵬

宿太平港是日至新添衛

僕御荒疆少將柯戰壘殘蟲迎秋作響水激石生淵
黑霧連雲暗青山背日寒莫言烟瘴苦久役厭征鞍

李良年

黔陽雜詠

荻巷俗屏曉柝傳半春愁說火連綿山城不用逢寒
食晴過三朝便禁烟

秋日黔中旅懷

懶作園幽幽尋向北邦漏知天近蜀低見斗垂窓
隔水聞寒杵疎籬帶遠江因風思舊隱新鴈幾雙雙

吳廷禎

暮秋遊照壁山

孤嶂開僧舍山門碧蘚侵遊人不到處吾輩獨登臨
黃葉尊前樹清秋客裡心黔南風日好只是憶山陰

鍾淵映

黔中竹枝

盤江西去接滇池風土依稀記昔時銅鼓迎神歌一

曲居人同賽竹王祠

顧 諤

黔中雜詠